

CONVENIO DE COLABORACIÓN ENTRE A AXENCIA TURISMO DE GALICIA E O CONCELLO DA VEIGA PARA A INSTALACIÓN DUN CAMPAMENTO DE AUTOCARAVANAS NO LUGAR DO COIÑEDO, A VEIGA

MEMORIA XUSTIFICATIVA

A xerente de Turismo de Galicia

DECLARA:

Que esta Axencia Turismo de Galicia formalizou co concello da Veiga o instrumento convencional arriba referido por un período de vixencia que abrangue dende o día da súa sinatura ata o 31 de decembro de 2021.

Que o instrumento convencional ten por obxecto establecer o marco de colaboración entre Axencia Turismo de Galicia e o concello de A Veiga para acondicionamento dos accesos á praia de Coiñado e a creación dun campamento de autocaravanas.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar **fundaméntase** no seguinte:

Primeiro.- A Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é a entidade pública instrumental da Comunidade Autónoma de Galicia á que lle corresponde o exercicio, entre outras, das competencias en materia de coordinación, impulso, xestión e execución das actividades de promoción do turismo, programa 761A.

O artigo 9 dos seus estatutos establece as funcións e competencias da Axencia para acadar os seus obxectivos, dispoñendo na súa alínea i) que lle corresponde “a dirección e coordinación das actuacións relacionadas coa posta en valor cultural e turístico do Camiño de Santiago, a súa promoción, a xestión da imaxe corporativa do Xacobeo e da rede de albergues, e o mantemento e conservación dos camiños e a súa sinalización, así como calquera outra acción que redunde en beneficio do Camiño de Santiago”.





Segundo.- Ao abeiro do disposto na Lei 5/1997, do 22 de xullo, de Administración local de Galicia, a Xunta de Galicia e as entidades locais poderán subscribir convenios de colaboración entre si para a máis eficaz xestión e prestación de servizos da súa competencia, podendo coordinar as súas políticas de fomento dirixidas a un mesmo sector, executar puntualmente obras ou servizos e adoptar as medidas oportunas para acadar calquera outra finalidade de contido análogo.

Así mesmo, os concellos, segundo se sinala no artigo 25.2.h) da Lei 7/1985, do 2 de abril, reguladora das bases de réxime local, posto en relación coa Lei 7/2011, do 27 de outubro, do turismo de Galicia, teñen competencias en materia de turismo, en concreto a “información e promoción da actividade turística de interese e ámbito local”.

Terceiro.- A área de actuación do entorno da praia do Coiñado é un dos puntos de maior afluencia nos meses de verán, tanto por parte dos veciños como por parte dos outros concellos próximos. Neste lugar atópase unha zona de baño e o edificio da “Aula de Natureza”.

Nos últimos anos fóronse realizando actuacións neste espazo para ir mellorando as súas condicións. Deste xeito, conta na actualidade cun acceso rodado por medio dunha vía pavimentada en formigón así como un pantalán para permitir o desenvolvemento de actividades náuticas.

A praia de “Os Franceses” é outro dos puntos de maior uso nos meses de verán. Posúe un acceso por medio de vial rodado e conta con equipamentos para o seu uso (aseos, zona de xogos, pantalán, bancos...).

Esta zona tamén foi obxecto de actuacións encamiñadas a mellorar as súas condicións, como son a creación dunha zona deportiva.

Porén, ambas praias, necesitan actuacións que melloren as súas condicións para ofrecer unha oferta máis ampla aos seus usuarios:

- **Melloras no acceso á praia do Coiñado:** O acceso á praia realízase, principalmente, por medio de vehículos particulares. Sen embargo as zonas de estacionamento dos





mesmos non se atopan regularizadas, polo que é habitual atoparse con vehículos estacionados de xeito desorganizado nas zonas próximas aos areas, o cal ocasiona problemas de acceso, polvo e rúidos.

Procederáse á creación dunha zona adecuada para o estacionamento dos vehículos que acceden á praia. Para elo pártese do actual vial de acceso existente, realizado con pavimento de formigón, que se prolongará para crear tres zonas de estacionamento e evitar que os usuarios aproximen os seus vehículos aos areas.

- **Creación dun campamento para autocaravanas:** Plantéxase a necesidade de creación dun espazo deste tipo ante a demanda existente. Na actualidade nin o concello da Veiga nin os concellos veciños contan cunha instalación deste tipo, que resulta especialmente atractiva dada a súa proximidade ao embalse de Prada e a zona de praias.

Procederáse á creación dun espazo destinado a campamento de autocaravanas. Para elo delimitarase un espazo adecuado para 16 vehículos. Deste xeito procederáse a eliminar un espazo cerrado mediante valado perimetral e con acceso cómodo para este tipo de vehículos. As prazas de estacionamento estarán dotadas de puntos de toma de electricidade e auga potable.

De acordo con indicado no Decreto 159/2019, de campamentos de turismo de Galicia: o recinto contará cun punto limpo para limpeza de caravanas conectado ás redes de auga e saneamento; crearase un edificio de recepción e control das instalacións cunha recepción, almacén e aseo para o persoal, así como tamén contará cunha pequena tenda de artigos de primeira necesidade e máquinas expendedoras; crearase un edificio para aseos e baños, que disporá tamén de zona de lavandería e secado; e tamén estará dotado de servicios de electricidade, telefonía, subministro de auga potable e saneamento.

As obras plantéxanse de xeito que resulten o máis adecuadas posible ao entorno no cal se desenvolven, mellorando a accesibilidade e o estado actual dos espazos de actuación para que poidan ser utilizados con total comodidade por parte dos futuros usuarios.

Cuarto.- Este proxecto supón a posta en valor turístico dos recursos do concello e considerase urxente executar co fin de incrementar a favorecer a atención ao turismo de





autocaravana dada a gran demanda existente e a pouca oferta que existe na nosa comunidade nunha situación como a actual derivada da pandemia na que moitas persoas usuarias optan por esta forma de viaxar. Así mesmo, as actuacións tamén contribuirán á revalorización do turismo da Comunidade Autónoma, sendo o Ano Santo Xacobeo 2021-22 unha oportunidade de potenciación de Galicia, así como de promoción e de reforzo da dimensión internacional do Camiño de Santiago e da propia comunidade. Finalmente compre sinalar a importancia do Concello da Veiga como Destino Turístico Starlight, gozando a zona de Trevinca de excelentes calidades para a contemplación dos ceos estrelados por estar afastado dos grandes núcleos de poboación e pola súa altitude..

Que a través deste convenio, outórgase ao concello da Veiga unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores e que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a sinatura dun contrato dos contemplados na Lei 9/2017, de 8 de novembro, de Contratos do Sector Público, pola que se traspoñen, ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2004, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela
O xerente de Turismo de Galicia

Emilio José de la Iglesia Lema

